



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita Et Institvto S. Ignatii Societatis Iesv Fvndatoris.  
Libri Qvinqve**

**Bartoli, Daniello**

**Lvgdvni, 1665**

XXVII. Quanto Dei amore Ignatius, etiam cum vitæ periculo arserit.

**urn:nbn:de:hbz:466:1-10840**

mam valemus ] haec tenus Mironus , quibus sane haud inferiora vir sanctus exigebat , tum ab se , tum pro cuiusque modulo ab suis , vnde laicum adiutorem , in virtutum , & operis studio negligentem interrogauit aliquando , cuinam suum laborem in Societate locare se crederet , cui vitam , & operam nauare : aientique sibi propositum Deo famulari , Deo , infert sanctus famulari , & tam solute ac languide : exin sane id tibi abire impune non patiat ; nam si dares homini operam , esset forte huius socordiae vestrae , aut excusatio ; Maiestati vero infinitae cui ut mille ultra quam possumus obsequia praestemus , ne minimam quidem partem officij complemus , huic , inquam , vix eius aliquam laboris quem valemus , operam dicare , quantæ quoq[ue] id culpæ fuerit ?

Suspiciens gradum amoris erga Deum qui pectus Ignatij , flammis iugib[us] vaporauit , fateor mihi , &c verba idonea , & sensus deesse argumento pares ; nam si verè ac scitè Bernardus , amoris linguam , non amanti peregrinum sonare , ac barbarum , quanto magis experientiam amoris si tentet de amore loqui , voces deficient , ac sententiae propriæ ; sequentur inertes prorsusque alienæ : atque hoc pronus , quod ij etiam qui toti Deo ardent , eoque intimè perfruuntur , vt velint maximè , loqui tamen de illo nesciunt ; significandis enim cœlestibus , lexica nostra voces non suggurunt . Suo quodam libello Ignatius in quem animi sui affectus referebat interiorum suam arcani cum Deo commercij familiaritatem expressurus , scribit auditam sibi quandam interius absque vocibus musicam , & concentum nullo ab sensibus deprehensem sono : At h[oc] planè in terris nihil eiusmodi esse . Multo vero minus sermonem inuennero eorum interpretem , quorum nec mente concepit sensa , nec quæ ipse met experiebatur eloqui aliter valuit , quam imagine aliqua ab sensibus mutua ; si minus falsa , certè minus vera , & germana . Velim præ omnibus extricare illius intelligentiam , quod suo cuiuspiam in paucis carissimo quandoque aperuit ; certò quidem se minimè videntur , si ad viuendum id haberet solum , quod sibi natura tribuebat . Ex quo sane dicto nihil assequor , nisi esse hanc metam perfectæ caritatis supremam , & ultimam , quæ transformatum in Deum hominem , usque eō perducit , vt ducat magis ex Deo vitam quam ex seipso . Haud secus fermè vt cognatae arbori plantæ , ac circum adrepentes , cum ei inhæserint , vnam videntur ex duabus arborem facere ; ac natuam licet figuram , & animam seruent ; plus tamen succi , vitæque ex illa , cui nexus penetrati adglutinatae sunt arbore , quam ex se hauriunt ; vigent , crescunt , eduntque fructus quidem suos , sed de succo ductos alieno , aliaque radice ; hanc enim sibi animæ potius , quam ligni , confusione mutua propriam vindicarunt . Quæ fortasse mens fuit Apostoli cum exclamaret . *Vino ego iam non ego , vini vero in me Christus* . Nam & ipse viuebat per seipso , sed ad Deum amandum vim sibi tantæ necessitatis impresserat , vt modo quodam inexplicabili , eomagis amore quam anima viueret , nec posset ab eius anima is amor , coniuratis cœli , terræ , ac tartari viribus auferri , quantumuis ferro possit de corpore .

## XXVII.

*Quanto Dei  
amore Ignatius , etiam  
cum vita per-  
iculo arserit .*

corpore anima expelli. Vixisse hanc vitam videtur Ignatius rebus omnibus  
 mortuus præter Deum , nulloque alterius actionis sensu , nisi caritatis erga  
 Deum , cui videntur ab eius obitu , quiduis aliud agentes medici subscripti-  
 sisse , dum negarunt annis , & valetudine sic attritum , ac prope consum-  
 ptum , absque miraculo viuere potuisse : ac sanè Deum sibi magis suum ,  
 quam seipsum duxit , vsque eo , vt si innoxius inferorum posset addici-  
 litiis , torquendum se atrocius dixerit damnatorum maledicis in Deum  
 vocibus , quam pœnarum illarum horrendo cruciatu. Quanquam & hic  
 idem , quo viuebat , & spirabat amor , vitam illi tantum non præfoca-  
 bat , redigebatque interdum ad extrema. Et obseruatam est quibus mor-  
 bis in postremum discrimen adductus est , eos ex incendio corporis or-  
 tum habuisse quod inflammauerat animus , solito in Deum vehementius  
 exardescens. Sic anno 1550. die Christi Natalis ; ab te sacra bis conse-  
 quenter facta in eum languorem solitus est , vt de vita periclitatus sit :  
 quare nisi alternis diebus , operari sacris non poterat , ne violenta illa con-  
 tentione deficeret ; fuitque non raro post sacrum celebratum , in cubicu-  
 lum reportandus , tametsi facelio contiguum , adeò penitus exhaustus , vt  
 nec in tres passus , valeret procedere. Quod ita prope necessario fie-  
 bat , cum ad sanctum altare ( haud scio qui melius explicem ) instar esset  
 earum nubium , quæ dum in aquas totæ fluunt , simul & fulgurant , velut  
 ignea totæ essent : soluebatur in lachrimas totus , totusque sic ardebat , vt  
 toto ex ore flamma ericaret : totumque , corde incitati palpitante con-  
 cuteretur corpus , & rumpendum pectus , venæque laxandæ viderentur. Sic  
 loquitur ipsemet in aduersariis quibus , more sanctis veteribus recepto , ad  
 priuatam memoriam , & usum , animi arcana consignauit. Aderat facienti  
 die quadam Nicolaus Lanioius , & erectis forte in eum oculis , post solem-  
 ne *Memento* Deo dictum , videt insidentem capiti eius flammarum , & peri-  
 culi specie territus ad extinguendam illam currit ; sed aduentus sanctum  
 ab alienatum à sensibus , & dulcibus lacrymis placide diffluentem , damni  
 ex ea nihil pati ; rem esse diuinam credidit ; at introspicere animum si da-  
 retur , præter ignem certè nihil in eo vidisset. Horam sacro insumebat unam ,  
 nisi qui tempore minime arctatur , diuinus spiritus , illū diuinius moraretur. Quod  
 autem nostris sacri tempus media clepsydra metiretur , horam ipse sibi inte-  
 grā sumeret ; non priuatae legis studio id factum ( qua nusquam esse sustinuit  
 à communi regula immunis ) sed necessitate qua in laxando affectibus animo  
 cogebatur crebro insistere , nunc vocē linquente ad legendum , nunc usu sen-  
 suum ad pergendum. Hos porro affluxus diuinorum patiebatur etiam oran-  
 do , cui aliquot dabat quotidie horas : noctes vero habebat trifariam diui-  
 nas ; pars una gubernationi ; quieti altera , dabatur. Sed interiectis semper  
 facilitioribus pietatis officiis : quam in rem considerat , precatorium Virginis  
 coronam in lecto retinere. Tertiam precationi dicauerat : huius inchoandæ  
 hæc erat forma. Consistebat aliquando rectus , præsentis Dei Majestatem  
 animo repetens ; inde illum deinissa totius corporis inclinatione adorabat:  
 post

post vel de genibus, vel in humili scabello sed reuerenter compositus sedebat; vixque mentem in Dcum collegerat, cum ibant in lacrymas oculi; serenitatem beatorum, facies induebat. Ita duas post sacram horas, quotidie transigens, pascebatur illa quam dixit Augustinus *Saginam veritatis, saginam lucis immortalis sapientia*. Quo tempore ad illum nemini patebat aditus, nisi negotij grauitas, moram omnem responsi negaret, tunc enim intrabat Ludouicus Gonzales, qui sub eo domui praeerat; vt rem illi, commissam exponeret. Quod cum ei euenerit saepius, debet hoc clus quod refero pro indubitato testimonium haberi [Memini, ait, quoties ad illum, quod crebro cogebat necessitas, cum illo acturus adij, vultu offendisse tam splendido, ut defixus licet in re quam tractandam ferebam, ad eius contemptum mei iam immemor stuperem. Nec enim erat illius species qualem haud raro piorum quorundam dum orarent notaueram, sed inusitatum spirabat quiddam, planèque diuinum:] itaque Lainius qui ob illam cum Deo necessitudinem tam arctam, assimilabat Moysi Ignatium, similitudinem augere potuit splendoris huius præstantia, qui ex consortio Domini, in eius facie effulgebat.

Hæc vero tam intima cum Deo familiaritas, haudquaquam precandi, & sacrificandi spatiis definiebatur; Deo se vbicumque, & quoties vellet, & quicquid ageret præsentem sistebat, conclave quidem fenestella iussit appetiri, qua in aram maiorem, & augustissimum Sacramentum pateret profectus, vnde velut aliis Daniel ex cubiculi secreto, & procul arbitris, illic intentos haberet oculos, vbi totus animo habitabat: haudquaquam tamen ad inueniendum Deum rupto egebatur pariete, qui tenuissimo tantum ab eo disunctus velo pro arbitrio illud reduceret; imò cuicunque operam rei daret, Deum semper habebat in oculis, quod inter homines rara quoque virtute præditos est valde ratum; idque opinor quod vocat Apostolus, *conuersationem in cœlis*, Deum perinde spectare solitam, vt chorus stellarum errantium suum solem, à quo dum variis orbibus circa terram cursus flecent suos; lucem interea, ignemque accipiunt, & in eum reflecent; eratque hic in eo somes rapienda momento flammæ, ad minimum quemque precandi adiutum; vel enim cum angelo Virginem salutans; vel mensam consecrans solemnii adprecatione; vel de diuinis legentem aliquid, imò solum audiens IESV, & DEI nomen, velut in flamas insilisset, animo totus, & vultu ardebat. Quanquam autem de diuinis acturus cogebatur stylum, demittere, quodd inter discipulos, tametsi præstantes, quales primi fuere illius socij, & qui vna vixere; vix erat qui eum satis perciperet; at ne ita quidem, nisi obiter, & raro, loqui humiliter de Deo aggrediebatur; conscius sibi non esse integrum affectus illos immodicos premerre, & inflammati animi aperta indicia non præbere: in hæc quanta virare pereretur facile vel hoc vnum probet, quod tradita pueris fidei elementa, breui ad cæteros, adhortatione solitus claudere, huic semper concepta subdebat hæc verba. Deum amate toto corde, tota anima, tota voluntare,

XXVIII.  
*Ex re qualibet Ignatius in Dei cognitione & amorem assurgebat.*

Yy quæ